

გარემოს დაცვისა და სოფლის მეურნეობის სამინისტროს  
სსიპ - საქართველოს გარემოს ეროვნული სააგენტოს  
უფროსს ქალბატონ თამარ ფიცხელაურს

### სკრინინგის განცხადება

სსიპ გარემოს ეროვნული სააგენტოს 2023 წლის 04 აპრილის N21/2334 ხარვეზის წერილის შესაბამისად წარმოგიდგინებ ქ. ზესტაფონში სერგო ზაქარიას ქ. N 41-ში (საკ. კოდ. 32.10.41.125) ი/მ თეიმურაზ ჭანკოტაძის (ს/კ 1800104204) სასარგებლო წიაღისეულის (ქვიშა-ხრეშის) გადაამუშავების საწარმოს ექსპლუატაციის პროექტის სკრინინგის ანგარიშს შენიშვნების გათვალისწინებით

აღნიშნული ხარვეზის წერილით მოთხოვნილი ინფორმაცია წარმოდგენილია როგორც სკრინინგის ანგარიშით, ასევე პუნქტობრივად:

1. წერილის პირველი პუნქტის შესაბამისად სკრინინგის განცხადებაში დაზუსტებას საჭიროებს წარმოდგენილი ინფორმაციის თანახმად, სამსხვრევი დანადგარი უკვე განთავსებულია მდ. ყვირილადან 48 მეტრში. შესაბამისად, აღნიშნული სამსხვრევი დანადგარი ექცევა მდ. ყვირილას (სიგრძე 140 კმ) წყალდაცვით ზოლში (50 მ), რაც არ შეესაბამება „წყალდაცვითი ზოლის შესახებ ტექნიკური რეგლამენტის დამტკიცების თაობაზე“ საქართველოს მთავრობის 2013 წლის 31 დეკემბრის №440 დადგენილების მოთხოვნებს;

**პასუხი:** აღნიშნულ ტერიტორიაზე საწარმო (ქვისა სახერხი დასამსხვრევი მოწყობილია წლების წინ 1990 წელს და წარმოადგენდა შპს „ტერის სამშენმასალათა კომბინატის“ საკუთრებას, რომლის დირექტორი იყო თეიმურა ჭანკოტაძე, რომელმაც 1992-1993 წლებში პრივატიზაციის წესით შეისყიდა და გადმოეცა საკუთრებაში. საწარმო მოწყობილია კაპიტალურად და დღემდე ინფრასტრუქტურული ცვლილებები (დანადგარების გადანაცვლება, ტექნოლოგიური გადაიარაღება ან/და სხვა) არ განუხორციელებია. 2022 წლამდე საწარმო იყო უმოქმედო მდგომარეობაში. საწარმოს განთავსების ადგილი გასული წლებიდან მოქცეულია წყალდაცვით ზოლში და „წყალდაცვითი ზოლის შესახებ ტექნიკური რეგლამენტის დამტკიცების თაობაზე“ საქართველოს მთავრობის 2013 წლის 31 დეკემბრის N440 დადგენილების შესაბამისად წარმოადგენს წყალდაცვით ზოლში უკვე არსებულ (მოქცეულ) საწარმოს. ამავე რეგლამენტის 3-ე მუხლის პირველი ნაწილის შესაბამისად წყალდაცვითი ზოლის ფარგლებში აკრძალულია: ა) **მშენებლობა** ან მოქმედი საწარმოს გაფართოება და რეკონსტრუქცია, რაც ი/მ თეიმურაზ ჭანკოტაძეს არ აქვს დაგეგმილი.

ასევე მე-3-ე მუხლის მე-2-ე ნაწილის შესაბამისად: წყალდაცვით ზოლში დაშვებულია არსებული საწარმოს ექსპლუატაციის პირობის/ტექნოლოგიური სქემის ცვლილება ან/და მასთან დაკავშირებული ინფრასტრუქტურის მოწყობა, თუ ის მიერთებულია კანალიზაციის ცენტრალიზებულ სისტემასთან ან აღჭურვილია/აღიჭურვება შესაბამისი რეზერვუარებით ან/და სანიაღვრე წყლების საკანალიზაციო სისტემებით ან/და სხვა მოწყობილობებით, რომლებიც გამორიცხავენ წყლის ობიექტის დაბინძურებასა და დანაგვიანებას, აგრეთვე არსებული ინფრასტრუქტურული ობიექტის ექსპლუატაციის პირობის ცვლილება/მოდერნიზაცია.

მიუხედავად იმისა რომ წყალდაცვით ზოლში ექცევა საპროექტო ტერიტორია, საწარმოში არ მოხდება ექსპლუატაციის პირობის/ტექნოლოგიური სქემის ცვლილება, ახალი ინფრასტრუქტურის მოწყობა, სამსხვრევი დანადგარი უკვე დამონტაჟებულია და არ საჭიროებს ფართო სამშენებლო სამუშაოების ჩატარებას. საპროექტო ტერიტორიაზე მოწყობილია სანიაღვრე წყლების შემკრები რეზერვუარი, რაც გამორიცხავს წყლის ობიექტის დაბინძურებას.

სსიპ გარემოს ეროვნული სააგენტოს  
სსიპ - საქართველოს გარემოს ეროვნული სააგენტოს  
"15" აპრილი 2023  
№ 4266

ამასთან ი/მ თეიმურაზ ჭანკოტაძის კუთვნილებაში არსებული არასასოფლო-სამეურნეო დანიშნულების მიწის ფართობი ((საკ. კოდ. 32.10.41.125) მთლიანად მოქცეულია წყალდაცვით ზონაში, ამდენად სამსხვრევი დანადგარის განთავსების ადგილიდან სხვა ტერიტორიაზე გადატანა გამოიწვევს დამატებითი ფინანსური და ბუნებრივი რესურსების ხარჯებს.

ამდენად, საწარმოს ექსპლუატაციისას არ იქნება დარღვეული „წყალდაცვითი ზოლის შესაბენ ტექნიკური რეგლამენტის დამტკიცების თაობაზე“ საქართველოს მთავრობის 2013 წლის 31 დეკემბრის N440 რეგლამენტის პირობები.

**2. წერილის მეორე პუნქტი:** სკრინინგის განცხადებაში მითითებული ინფორმაციის მიხედვით, ი/მ თეიმურაზ ჭანკოტაძის კუთვნილი ქვის სამსხვრევი საწარმო მდებარეობს ქ. ზესტაფონში, ს. ზაქარიადის №41-ში არსებულ არასასოფლო-სამეურნეო დანიშნულების მიწის ნაკვეთზე (ს/კ: 32.10.41.125). ამავე ტერიტორიაზე ფუნქციონირებს ი/მ თეიმურაზ ჭანკოტაძის კუთვნილი ქვის სახერხი საამქრო. წარმოდგენილი ინფორმაციის თანახმად, 2022 წელს სსდ გარემოსდაცვითი ზედამხედველობის დეპარტამენტის მიერ განხორციელდა საწარმოს ინსპექტირება და სკრინინგის გადაწყვეტილების გარეშე საქმიანობისათვის გატარდა შესაბამისი ადმინისტრაციული ღონისძიება. გაცნობებთ, რომ სსდ გარემოსდაცვითი ზედამხედველობის დეპარტამენტის ინფორმაციისა და ზესტაფონის რაიონული სასამართლოს 2022 წლის 22 ივნისის №4/232 განჩინების შესაბამისად, 2022 წლის 17 მაისს, ზესტაფონის რაიონის დაბა შორაპანში გამოვლენილი იქნა ი/მ თეიმურაზ ჭანკოტაძის ქვის სახერხი საამქრო, რომელიც ფუნქციონირებდა ატმოსფერული ჰაერის დაბინძურების სტაციონარული წყაროების ინვენტარიზაციის ტექნიკურ ანგარიშის შეთანხმების გარეშე. აღნიშნულ ფაქტზე, სსდ გარემოსდაცვითი ზედამხედველობის დეპარტამენტის მიერ 2022 წლის 17 მაისს შედგენილია ადმინისტრაციული სამართალდარღვევის შესახებ №070818 ოქმი. ზემოაღნიშნულის გათვალისწინებით, დაზუსტებას საჭიროებს სკრინინგის განცხადებაში წარმოდგენილი ინფორმაცია ქვის სახერხი საამქროს ადგილმდებარეობისა და სკრინინგის გადაწყვეტილების გარეშე საქმიანობისათვის დაჯარიმების შესახებ;

**პასუხი:** ქ. ზესტაფონში, ს. ზაქარიადის №41-ში არსებულ არასასოფლო-სამეურნეო დანიშნულების მიწის ნაკვეთი (ს/კ: 32.10.41.125) წარმოდგენს ი/მ თეიმურაზ ჭანკოტაძის საკუთრებას. ამ ტერიტორიაზე განთავსებულია ქვის სველი მეთოდით ხერხვის საწარმოო შენობა და ქვის სამსხვრევი აგრეგატი. ინფორმაციის გადამოწმებით დადგინდა რომ სსდ გარემოსდაცვითი ზედამხედველობის დეპარტამენტის შესაბამისის სამსახურის მიერ განხორციელდა ი/მ თეიმურაზ ჭანკოტაძის ორივე საწარმოს შემოწმება (ქვის სახერხი და სამსხვრევი). შემოწმების დროს სამსხვრევი დამახარისხებელი საამქრო არ ფუნქციონირებდა. დარღვევა გამოვლინდა ქვის სახერხ საამქროში, რაზედაც მოხდა შესაბამისი რეაგირება;

**3. წერილის მესამე პუნქტი:** სკრინინგის განცხადების თანახმად, სამსხვრევი დანადგარიდან უახლოეს მოსახლემდე მანძილი შეადგენს 100 მეტრს, ამასთან, მიმდებარედ განთავსებულია სხვა საცხოვრებელი სახლებიც. შესაბამისად, სკრინინგის განცხადება უნდა მოიცავდეს საქმიანობის განხორციელებასთან დაკავშირებით აღნიშნული საცხოვრებელი სახლების (საპროექტო ტერიტორიიდან დაშორების მანძილების მითითებით) შესაკუთრებთან კომუნიკაციის ამსახველ ინფორმაციას;

**პასუხი:** საპროექტო ტერიტორიის მიმდებარედ ასევე განთავსებულია, მარიამ ამილახვარის (საკ. კოდი 32.10. 41.458) 120 მ მანძილის მოშორებით და დავით ექსეულიძის (საკ. კოდი :32.10 41.177) 150 მ მოშორებით საცხოვრებელ სახლები.

დოკუმენტში დანართის სახით წარმოდგენილია საცხოვრებელი სახლების მეპატრონეების მოსაზრებები საწარმოს საქმიანობასთან დაკავშირებით.

**4. წერილის მეოთხე პუნქტი:** წარმოდგენილ დოკუმენტში, სხვადასხვა ადგილას მითითებულია გადასამუშავებელი ნედლეულის სხვადასხვა დასახელება, რაც საჭიროებს ერთმანეთთან შესაბამისობაში მოყვანას;

**პასუხი:** სამსხვრევი \_ საწარმო ნედლეულად გამოიყენებს სახერხში ქვის დახერხვის შედეგად მიღებული - ტემენიტის ქვის ნატეხებს, რომელიც საამქროდან გამოიზიდება ხელით და დაიყრება დროებით ღია ღია სასაწყობო მოედანზე, საამქროს შენობის გვერდით. აღნიშნული მითითებულია დოკუმენტში.

**5. წერილის მეხუთე პუნქტი:** ვინაიდან, საპროექტო ტერიტორიაზე ხორციელდება როგორც სასარგებლო წიაღისეულის გადამუშავება, ისე ქვის ხეობვა სველი მეთოდით, სკრინინგის განცხადებაში განხილული უნდა იყოს ორივე საწარმოს ერთობლივი ფუნქციონირების შედეგად ატმოსფერულ ჰაერზე მოსალოდნელი ზემოქმედება. უახლოეს მოსახლემდე დაშორების მანძილის (100 მ) გათვალისწინებით (აღნიშნული საკითხი ასევე გათვალისწინებული უნდა იყოს სააგენტოში შესათანხმებლად წარმოდგენილ ატმოსფერული ჰაერის დაბინძურების სტაციონარული წყაროების ინვენტარიზაციის ტექნიკურ ანგარიშშიც, რომელზეც სააგენტო იმსჯელებს გარემოზე ზემოქმედების შეფასებას არდაქვემდებარების შემთხვევაში სკრინინგის გადაწყვეტილების გაცემის შემდგომ);

**პასუხი:** სკრინინგის ანგარიშში წარმოდგენილია ქვის სახერხი საწარმოს ფუნქციონირების შედეგად მოსალოდნელი ზემომქედება

**6. წერილის მეექვსე პუნქტი:** სკრინინგის განცხადების მიხედვით, სამსხვრევი დანადგარიდან უახლოესი საცხოვრებელი სახლი დაშორებულია 100 მეტრით, თუმცა ხმაურის გავრცელებით მოსალოდნელი ზემოქმედების გაანგარიშება შესრულებულია 110 მეტრი მანძილისთვის, რაც საჭიროებს დაზუსტებას;

**პასუხი:** ხმაურის გავრცელებით მოსალოდნელი ზემოქმედების გაანგარიშება შესრულებულია 100 მეტრი მანძილისთვის,

**7. წერილის მეშვიდე პუნქტი:** მონაცემების ელექტრონული გადამოწმების შედეგად დგინდება, რომ საპროექტო ტერიტორიის სიახლოვეს (ს/კ: 32.19.31.248; 32.10.41.322; 32.10.41.096; 32.10.41.262; 32.19.31.275) განთავსებულია სხვადასხვა საწარმოო ობიექტები. შესაბამისად, დოკუმენტი უნდა მოიცავდეს ინფორმაციას არსებული საწარმოო ობიექტებისა და მათი ფუნქციური დანიშნულების შესახებ, აგრეთვე საწარმოების ერთობლივი ფუნქციონირების შედეგად ატმოსფერული ჰაერის ხარისხზე და ხმაურის გავრცელებით მოსალოდნელი კუმულაციური ზემოქმედების შეფასებას, უახლოესი საცხოვრებელი სახლის (100 მ) დაშორების მანძილის გათვალისწინებით.

**პასუხი:** საპროექტო ტერიტორიის სიახლოვეს (ს/კ: 32.19.31.248; 32.10.41.322; 32.10.41.096; 32.10.41.262; 32.19.31.275 აღნიშნულ საკადასტრო კოდეზზე განთავსებულია ჩინური კომპანიების სამშენებლო ტექნიკა და ინფრასტრუქტურული ობიექტები, სამშენებლო მოედანი, სანაყარო და სხვა, რაც განკუთვნილია ავტობანის სამშენებლო სამუშაოებისათვის. აღნიშნული ინფრასტრუქტურული ობიექტები მოწობილია შესაბამისი ნებართვების/პროექტების და გარემოსდაცვითი დოკუმენტაციის საფუძველზე. ი.მ თეიმურაზ ჭანკოტაძის საწარმოდან აღნიშნული ობიექტები დაშორებულია 500 მ მანძილით. (დოკუმენტში დანართის სახით წარმოდგენილია ფოტო მასალა).

გთხოვთ, განიხილოთ აღნიშნული განცხადება და ძიილოთ გადაწყვეტილება საწარმოს საქმიანობის გარემოზე ზემოქმედების შეფასებისადმი დაქვემდებარების შესახებ.

დანართი: სკრინინგის განაცხადი 1 ეგზემპლარად და დოკუმენტის ელექტრონული ვერსია sph ფაილებთან ერთად

პატივისცემით,  
ი.მ თეიმურაზ ჭანკოტაძე



05.05.2023 წელი